

Denn da steckt / da ligt / da bleibts /
Wer diesen man / der da heisst Ihesus Chris-
tus Gottes son / den wir Christen predigen /
nicht recht vnd rein hat / noch haben wil / der
lasse die Bibel zu frieden / das rate ich / Er
stößt sich gewislich / vnd wird / je mehr er
studirt / je blinder vnd toller / Er sey Jude /
Tatter / Turcke / Christen / oder wie er sich
rühmen wil. Sihe an / was hat bey vns Chri-
sten den Ketzer Arrianis / Manicheis / Pela-
gianis vnd vnzeligen mehr gefeilet? Was hat
dem Bapst gefeilet? Daben sie nicht / die ges-
wissen / hellen / gewaltigen wort des Newen
Testaments gehabt? Was feilet vnsern Kot-
ten zu dieser zeit? Daben sie nicht das Newe
Testament klar vnd gewis gnug? Solt man
einem iglichen solchem tollen Teuffels kopff
nach / das Newe Testament verdeutschchen /
wie viel mussten wir wol Newe Testament ha-
ben?

Wenns nu solt wunschens vnd weh-
lens gelten / Entweder / das ich S. Augustini
vnd der lieben Peter / das ist / der Apostel ver-
stand in der schrift solt haben / mit dem man-
gel / das S. Augustinus zu weilen / nicht die
rechte buchstaben / oder wort im Ebreischen
hat / wie die Juden spotten / oder solt der Ju-
den gewisse buchstaben vnd wort (die sie den
noch nicht durch vnd durch allenthalben ha-
ben) von S. Augustin vnd der Peter verstand /

A iij das